



OPENBAAR
MINISTERIE
ARUBA

Relato di Prensa

Postbus 1163, Oranjestad, Aruba

Havenstraat 2
Oranjestad
Aruba
T ++ (297) 521 4100
F ++ (297) 521 4190

Na	Tur media
Di	Ministerio Publico
Fecha	17 augustus 2017
Pagina's	1

Durante investigacion na 2017 no a wordo haya restonan di wesonan humano

Ayera Ministerio Publico a tuma nota di un noticia cu a wordo publica e siman aki pa of den number di señor Dave Holloway, tata di Natalee Holloway. Posiblemente lo ta trata di restonan di wesonan humano, cu a wordo haya na Aruba y cu lo ta di interes relaciona cu desaparicion di Natalee Holloway.

En conexion cu e informacion procedente di señor Holloway, Cuerpo Policial di Aruba a haci investigacion e aña aki bao guia di Ministerio Publico di Aruba.

Durante e investigacion aki di Polis den un area cu señor Holloway a indica den e informacion cu el a entrega, no a wordo haya restonan di wesonan humano.

Aparentamente na e momento aki, atrobe informacion a wordo publica pa of den number di señor Holloway tocante resultadonan di un investigacion haci na Aruba. Sinembargo, actualmente no ta conoci na Ministerio Publico of na Polis, hechonan nobo of circunstancianan nobo relaciona cu hayazgonan di weso, cu a wordo investiga of mester wordo investiga. Si en caso hechonan nobo of circunstancianan nobo surgi den futuro, lo haci investigacion serio di esakinan.

Esaki mas cu claro ta conta pa tur caso di desaparicion di un persona.